



UNIVERSITÄTS-  
BIBLIOTHEK  
PADERBORN

# **Stella Benedictina Sive Regula Sanctissimi Patris Nostri Benedicti**

**Meyenschein, Benedikt**

**Hildesii, 1725**

**VD18 10311831**

LXXIII. De eo, quod non omnis justitiæ observatio in hac sit Regulâ constituta. Hanc minimam saxis legem; nam sedula praxis Ad majora tamen te citò ducet. Amen.

---

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

I. MAJI. 31. AUG. 31. DECEMB.

CAPUT LXXIII.

*De eo, quòd non omnis justitiæ obser-  
vatio in hac sit Regulâ constituta.*

**R**egulam hanc *a* descripsimus *b*, ut  
eam observantes in Monasteriis,  
aliquatenus vel honestatem morum, aut  
initium *c* conversationis *d* nos demon-  
stremus habere. Cæterum ad perfectio-  
nem conversationis qui festinat, sunt do-  
ctrinæ sanctorum Patrum, quarum ob-  
servatio perducit hominem ad celsitudi-  
nem perfectionis. Quæ enim pagina,  
aut quis sermo Divinæ authoritatis *e* ve-  
teris ac novi Testamenti non est rectis-  
sima norma vitæ humanæ? Aut quis li-  
ber sanctorum Catholicorum Patrum  
hoc non résonat *f*, ut recto cursu per-  
veniamus ad Creatorem nostrum? Nec-  
non & Collationes Patrum *g*, & Institu-  
ta *h*, & vita eorum, sed & Regula sancti  
PATRIS nostri *i* Basilii, quid aliud sunt,  
nisi bene viventium & obedientium Mo-  
nachorum instrumenta virtutum? Nobis  
autem desidiosis, & malè viventibus atque  
negli-

negligentibus rubor confusionis / est.  
 Quisquis ergo ad patriam cœlestem festi-  
 nas, hanc minimam inchoationis in Regu-  
 lam descriptam n̄ adjuvante Christo per-  
 fice: & tunc demum ad majora, quæ supra  
 commemoravimus, doctrinæ virtutum-  
 que culmina, Deo protegente o perve-  
 nies. Amen p.

Explicit q̄ Regula SSmi Patris nostri  
 BENEDICTI.

a) Unâ cum Prologo & inscriptionibus seu  
 titulis Capitulorum, ut patet ex Concordiâ  
 Regularum, Smaragdo &c. Itémque cap.  
 4. & 34. Quibus si demas titulum, vix  
 sensus erit aut connexio cum præcedentibus.  
 Numerus tamen Capitulorum non itâ semper  
 fuit appositus. Præsentem verò eorum  
 divisionem ac distributionem per annum,  
 fecere Bursfeldenses.

b) Et quidem juxta Gazæum, Menardum  
 & alios in Sublaco; juxta Petrum Diac.  
 Tepez, Trithem. &c. in monte Cassino. Ve-  
 risimilius inchoata est in Sublaco [procul  
 dubio enim, qui ibidem Monasteria  
 fecit & Monachos, ipse eis Regulam  
 tradidit, inquit Leo IX. Idémque insti-  
 tuatur

nuatur c. 12. *Vitæ S. BENEDICTI*  
*Cassini autem perfecta & aucta; quod pa-*  
*tère videtur ex pluribus Cap. Regula,*  
*agentibus de majori Congregatione variis-*  
*que Officialibus: hæc enim in Monasteriis*  
*Sublacensibus 12. tantum Monachos con-*  
*continentibus non habuerunt locum.*

- c) *Explicationem vide infra lit. m.*  
 d) *Subintellige, sanctæ vel religiosæ: quâ ead-*  
*dem phrasi utitur S. Greg. in Vitâ S. P. N.*  
*c. 1. Alii legunt, conversionis, sicut &*  
*in seq.*  
 e) *Id est, Sacræ Scripturæ.*  
 f) *Seu clarè docet.*  
 g) *Relatæ à Cassiano.*  
 h) *Ex Bernardo Cassin. sunt 12. Libri In-*  
*stitutionum ejusdem Cassiani, quibus S.*  
*Thomas & alii titulum faciunt: De in-*  
*stitutis Cœnobiorum.*  
 i) *Titulum hunc D. BENEDICTUS tri-*  
*buit S. Basilio, partim amoris & obser-*  
*vantiæ causâ; partim ob praxin antiquis-*  
*simam, quâ cuicumque insigni Sancto, præ-*  
*sertim Doctori aut Monachorum Institu-*  
*tori titulus ille tribui consuevit, ut patet*  
*ex Biblioth. Vet. Patrum, variisque Me-*  
*nolo-*

nologiis, ubi & Græci ipsimet legislatori nostro titulum Sancti PATRIS nostri tribuunt. Frustra proinde est Gallonius, ex his verbis contendens, D. BENEDICT. initio fuisse sub Regulâ S. BASILII: maximè cum ex Vitâ S. P. N. constet, eundem non Cœnobiticam in Claustro, sed Eremiticam in Specu vitam initio exercuisse.

l) Subintellige, exinde.

m) Vel respectu perfectioris vitæ Eremiticæ aut Scripturæ Sacræ, ut exponit Turrecrem. Vel potius ex profundâ SSmi P. N. humilitate, ut rectè notant Petrus Damiani, & alii. Scripsit enim Regulam discretionem præcipuam, fermone luculentam, ex Greg. M. plenam & copiosam, cui nihil addendum vel demendum, ex B. Hildeg. Sanctam & à Spiritu S. dictatam ex dictis c. 65. perfectissimam ex Turrecr. &c. utilissimam toti Ecclesiæ, ex Haefsteno, 12. fructus insignes referente: Regulam tantæ authoritatis, ut varii Pontifices & Concilia in decretis suis illam pro normâ habuerint; Varia quoque id temporis Monasteria, & plures postmodum Ordines, duo-

duodecim saltè Monastici ac totidem Militares ex toto, reliqui ex parte eandem assumpserint. Denique cæteris omnibus præferendam, ex Goffrido Vindoc. Trithem. itémque S. Antonino in hæc verba: Regula Basilii fati intricata est; Regula Augustini multùm generalis, & ad particularia parùm descendens.... Regula S. Francisci brevis, & propterea multa ibi præcepta scrupulis plena: sed Regula S. BENEDICTI singula quæque clarè describit.... Hanc omnes Monachi occidentis pro fundamento tenent. &c. Sic Regulam nostram laudat os alienum, quam proprium vocat minimam.

n) Id est, conscriptam; vel si idem, quod exscriptam, intellige ex autographo Spiritûs S. juxta mox dicta.

o) Id est, auxiliante.

p) Vid. notata c. præced. in fine. Porrò S. Hildegard. S. Bonizo Episcopus, Trithem. Smaragd. Boër. &c. contextui Regulæ hîc apponunt: Facientibus hæc, regna patebunt æterna; quamvis desit antiquioribus Cassinensium codicibus. Concordat optimè

optimè Oraculum relatum ab Arnoldo Wion  
*l. 1. Ligni vitæ p. 8. ex archivis Monasterii  
 Lerinensis, quòd nullus in Ordine no-  
 stro morietur, nisi in statu salutis &c.*  
 q) *Vox minùs Latina, G, ut videtur, dimi-  
 nuta à participio explicitus, quod Mar-  
 tialis l. 14. usurpat pro absolutus vel fi-  
 nitus. Finitum híc pariter vides amice  
 Lector, sin minùs absolutum, præsentem  
 Commentarium, pro quo*

soLI Deo sIt perpetVVs  
 honor, DIVoqVe BENE-  
 DICTo gLoria.

